

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXX. Congregationi, & Collegio S. Familiæ Jesu Christi Neapolitan.,
eorumque Ecclesiæ, Presbyteris Sæcularibus, Alimnis, & Convictoribus, &
personis nunc, & pro tempore existentibus communicantur ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

modolibet concessis, approbatis, & innovatis. Quibus omnibus, & singulis, aliisque quæ eisdem præsentibus quomodolibet obesse possent etiam de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores huiusmodi etiam veriores, totosque, & integros etiam præsentibus pro expressis, insertis, ac de verbo ad verbum registratis habentes, & potestatis plenitudine paribus specialiter, & expresse harum serie derogamus, ceterisque contrariis quibuscumque.

Pœne contra infractores huius Bullæ.

Dat. die 8.
Martii 1738.
An. VIII.

§. 7. Nulli ergo omnino hominum liceat hanc paginam nostræ extinctionis, abrogationis, absolutionis, liberationis, declarationis, reservationis, concessionis, assignationis, Decreti, statuti, commissionis, mandati, derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum.

Datum Romæ apud S. Mariam Majorem Anno Incarnationis Dominicæ millesimo septingentesimo trigésimo octavo, octavo Idus Martii, Pontificatus nostri Anno octavo.

A. Card. Prodaturus.
Visa de Curia N. Antonellus.
F. Piccionius.

CCXX.

Congregationi, & Collegio S. Familiæ Jesu Christi Neapolitanæ, eorumque Ecclesiæ, Presbyteris Sæcularibus, Alumnis, & ConviCTORIBUS, & personis nunc, & pro tempore existentibus communicantur privilegia, prærogativa, facultates, favores, gratiæ, Indulgentiæ, exemptiones, & Indulta Congregationibus Oratorii S. Philippi Neri, & Piorum Operariorum concessa, ac omnes, & singulæ Indulgentiæ Ecclesiæ S. Mariæ ad Martyres vulgo della Rotonda.

CLEMENS PP. XII.

Ad perpetuam rei memoriam.

Proœmium.

¶ Inter præcipuas ministerii nostri partes, in Suprema Catholica Ecclesiæ administratione tenuitati nostræ per ineffabilem divinæ sapientiæ, atque bonitatis abundantiam demandata accurate obeundas, illam non ultimam reputamus, ut luculentiora Pontificiæ benignitatis, auctoritatisque privilegia, & gratias paterno, libentique animo iis dilectis filiis conferamus, qui, sicut novellæ olivarum plantationes in juventute sua, uberes bonorum operum fructus in Catholica Ecclesiâ alacrius proferre satagentes, uberiora Apostolicæ beneficentiæ, indulgentiæque nostræ munera, prærogativas, ac favores sibi promereri videntur.

Matthæus Ripa dictæ Congregationis, & Collegii Patre supplicat.

§. 1. Exponi siquidem nobis nuper fecit Dilectus filius Matthæus Ripa, Fundator, & modernus Superior, ac Rector Congregationis, & Collegii sub invocatione Sacræ Familiæ Jesu Christi extra muros Civitatis Neapolitanæ erectorum, quorum Institutum per alias nostras in simili forma Brevis literas, desuper die 7. Aprilis 1732. expeditas approbavimus, ac subinde Regulas quoque confirmavimus, quod cum Congrega-

tio, & Collegium huiusmodi ad instar Congregationum Presbyterorum Sæcularium Oratorii S. Philippi Neri, ac Piorum Operariorum nuncupatorum dictæ Civitatis Neapolitanæ fundata, & instituta sint; Ipse vero Exponent, ac Presbyteri, Alumnus, ConviCTORES, & aliæ Personæ Congregationis, & Collegii præfatorum omnibus, & singulis privilegiis, prærogativis, favoribus, gratiis, Indulgentiis, exemptionibus, & Indultis a Romanis Pontificibus Prædecessoribus nostris tam Presbyteris Sæcularibus Oratorii Sancti Philippi Neri, & Piorum Operariorum prædictis, quam Ecclesiis, Domibus, & Congregationibus eorumdem quocumque tempore quomodolibet hæcenus concessis, & in futurum concedendis, frui, & gaudere posse plurimum desiderant: Nobis propterea tam suo, quam præfatorum Presbyterorum, Alumnorum, ConviCTORUM, & aliarum personarum huiusmodi nomine humiliter supplicari fecit, ut sibi in præmissis opportune providere, ut infra indulgere de benignitate Apostolica dignemur.

§. 2. Nos igitur specialem ipsis Exponenti, & Presbyteris, Alumnis, ConviCTORIBUS, aliisque personis, ut præmittitur, gratiam facere volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis; Si quibus quomodolibet innodata existunt, ad effectum præsentium dumtaxat consequendum harum serie absolventes, et absolutas fore censentes, huiusmodi supplicationibus inclinati, et attento, quod dilectus filius noster Joseph S. R. E. Cardinalis Spinelli nuncupatus, Archiepiscopus Ecclesiæ Neapolitanæ ex concessione, & dispensatione Apostolica Præsul ad nos retulerit, præfatos Presbyteros, Alumnos, & ConviCTORES non solum in iis ad divini cultus incrementum, & animarum Salutem in Civitate, & Diocesi Neapolitana spectantibus Regulas, & Instituta tam Presbyterorum Oratorii Sancti Philippi Neri, quam piorum Operariorum prædictorum servare, verum etiam majora ipsis onera imposita esse, iisdem Congregationi, & Collegio Sacræ Familiæ Jesu Christi, illiusque Ecclesiæ, ac Presbyteris Sæcularibus, Alumnis, ConviCTORIBUS, & personis nunc, & pro tempore existentibus, ut omnibus, & singulis privilegiis, prærogativis, facultatibus, gratiis, & Indulgentiis, ac exemptionibus, & Indultis memoratarum Congregationum, earumque Ecclesiis, Presbyteris, & Personis per Romanos Pontifices Prædecessores Nostros quomodolibet concessis, & in futurum concedendis, etiam specifica, & individua mentione, & expressione dignis, & quibus eadem Congregationes, earumque Ecclesiæ Presbyteri, & personæ, ex Prædecessorum nostrorum concessione de præsentibus utuntur, fruuntur, potiuntur, & gaudent, ac uti, frui, potiri, & gaudere libere, & licite possint, & valeant in omnibus, & per omnia, perinde ac si privilegia, prærogativa, facultates, favores, gratiæ, Indulgentiæ, exemptiones, & Indulta huiusmodi ipsis Congregationi, & Collegio Sacræ Familiæ Jesu Christi, eorumque Ecclesiæ, Presbyteris, Alumnis, ConviCTORIBUS, & personis specialiter concessa reperirentur, sine præiudicio tamen gratiarum, Indultorum, & privilegiorum iisdem a Nobis alias concessorum Apostolica auctoritate tenore præsentium concedimus, & indulgemus. Quoad Indulgentias vero Ecclesiæ, & in ea sitis Altaribus Congregationis, & Collegii Familiæ Jesu Christi præfatorum eas omnes, & singulas, quæ Ecclesiæ, ejusque respective Altaribus Sanctæ Mariæ ad Martyres della Rotonda vulgo dictæ de Urbe per Romanos Pontifices Prædecessores nostros, nosque ipsos hæcenus concessæ reperiuntur, aut quas in futurum concedendas esse contigerit, cum

Clemens Indulgentiarum de quibus in Rubrica, applicationem concedit.

uno dumtaxat Altari privilegiato quotidiano perpetuo, etiam per modum aggregationis, & sine quacumque dependentia concedimus, & elargimur.

§. 3. Decernentes easdem presentes literas, semper firmas, validas, & efficaces existere, & fore suosque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari; Sicque in præmissis per quoscumque Judices Ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Obstantium
derogatio.

§. 4. Non obstantibus nostræ, & Cancellariæ Apostolicæ Regula de non concedendis Indulgentiis ad instar, aliisque Constitutionibus, & Ordinationibus Apostolicis. Quibus omnibus, & singulis illorum tenores, presentibus pro plene, & sufficienter expressis, & insertis habentes illis alias in suo robore permansuris ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Dat. die 14.
Martii 1738.
An. VIII.

Datum Romæ apud S. Mariam Majorem sub Annulo Piscatoris die 14. Martii 1738. Pont. Nostri Anno Octavo.

CCXXI.

Extensio Indulti ab Urbano VIII. pro Alumnis, & Convictoribus Collegii Propagandæ Fidei concessi ad Alumnos, & Convictores pro Sinenfibus, & Indis Collegii S. Familiae Jesu Christi in Civitate Neapolitanæ erecti.

CLEMENS PP. XII.

Ad perpetuam rei memoriam.

Exordium.

Pro suprema Catholica Ecclesiæ procuratore, quam Pastorum Princeps Jesus Christus altissimo divinæ providentiæ suæ consilio Nobis plane immerentibus credere dignatus est, tanquam fideles prudentesque dispensatores præcipua Apostolicæ benignitatis, auctoritatisque argumenta iis potissimum ingenti cum Pontificii cordis lætitiâ exhibere satagimus, qui in diebus nostris, veluti cooperatores, & coadjutores in ministerii nostri opus a Nobis adsciti, & constituti in excolenda Vineâ Dei Sabbaoht per universum Terrarum orbem plantata alacrius adlabore pergunt, atque contendunt.

Capita concessionum ab
Urbano VIII.
Alumnis Collegii Urbani
factarum.

§. 1. Exponi siquidem nobis nuper fecit dilectus filius Matthæus Ripa, Fundator, & modernus Superior, ac Rector Congregationis, & Collegii sub invocatione Sacræ Familiae Jesu Christi extra Muros Civitatis Neapolitanæ erectorum, quorum Institutum per alias nostras in simili forma Brevis literas desuper die 7. Aprilis 1732. expeditas approbavimus; ac subinde Regulas quoque confirmavimus; quod alias se. re. Urbanus VIII. Prædecessor noster dilectis filiis tunc, & pro tempore existentibus Alumnis, & Convictoribus Congregationis de Propaganda Fide, aliisque qui quoquomodo ad instantiam ejusdem Congregationis Romæ, vel alibi educarentur, ut ipsi absque literis dimissorialibus suorum ordinariarum, & etiam sine titulo Beneficii Ecclesiastici, aut Patrimonii, sed ad titulum tantum missionis a quocumque, quem maluerint Catholico Antistite gratiam, & Communionem Sedis Apostolicæ habente, & in propria Diocesi residente, vel in aliena de Diocesi loci licentia Pontificalia exercente ad quatuor Minores etiam unico festivo, vel feriato, necnon etiam

ad Sacros, & Presbyteratus Ordines tribus Dominicis, seu aliis festivis, & continuis, vel interpolatis diebus, etiam extra tempora ad id a jure statuta, & non servatis a Sacro Concilio Tridentino designatis, annique curriculo non expectato, etiam si, antequam de uno ad alium Ordinem promoverentur; in primo quoque suscepto Ordine se minime exercuissent, aut alicujus Ecclesiæ servitio adscripti non essent, dummodo tamen forent ætatis legitimæ, ac alias idonei, & per triennium continuum ejusdem Congregationis Alumni, seu Convictores, aut ad illius instantiam educati, ac denique haberent literas testimoniales Rectorum, aut eorum, apud quos educarentur, & instruerentur de eorum vita, & moribus, ac in scientiis profectibus, nec eis aliquid obstarat impedimentum promoveri, & promoti in illis etiam in Altaris Ministerio ministrare libere, & licite possent, & valeret, auctoritate Apostolica sub certis modo, & forma tunc expressis, concessit, & indulgit, & alias prout in prædictis Urbani Prædecessoris literis desuper in simili forma Brevis die 18. Maii 1637. expeditis plenius continetur.

§. 2. Cum autem, sicut eadem expositio subungebat dictus Matthæus Privilegia, seu Indulta prædicta ad Alumnos, & Convictores Collegii Sacræ Familiae Jesu Christi hujusmodi per nos extendi, atque iisdem concedi summopere desideret.

§. 3. Nos piis ejusdem Matthæi votis hac in re quantum cum Domino possumus favorabiliter annuere volentes, eumque, & Alumnos, ac Convictores secundo dicti Collegii hujusmodi a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existunt, ad effectum presentium dumtaxat consequendum harum serie absolventes, & absolutos fore censentes, supplicationibus ejus nomine nobis super hoc humiliter porrectis inclinati, de Ven. fratrum nostrorum S. R. E. Cardinalium negotiis Propagandæ Fidei præpositorum consilio, Privilegia in prædictis Urbani Prædecessoris literis contenta, ad modernos, & pro tempore existentes Collegiales Collegii Sacræ Familiae Jesu Christi Civitatis Neapolitanæ. Sinenfes, & ad eos, qui ex Regionibus Indiarum advenerint dumtaxat extendimus, atque iisdem concedimus, nempe, ut ipsi absque literis dimissorialibus suorum Ordinariarum, & etiam sine titulo Beneficii Ecclesiastici, sed ad titulum tantum missionis, a quocumque quem maluerint, Catholico Antistite ad quatuor Minores, etiam unico festivo, vel feriato, necnon etiam ad Sacros, & Presbyteratus Ordines tribus Dominicis, seu aliis festivis, & continuis, vel interpolatis diebus etiam extra tempora ad id a jure statuta, & non servatis interdictis a Sac. Concilio Trid. designatis, annique curriculo non expectato, etiam si, antequam de uno ad alium Ordinem promoveantur, in primo quoque suscepto Ordine se minime exercuerint, aut alicujus Ecclesiæ servitio adscripti non sint, dummodo tamen sint ætatis legitimæ, nec eis aliud canonicum obstat impedimentum, & habeant literas testimoniales Rectorum, aut eorum apud quos educantur, & instruantur, promoveri, & promoti in illis, etiam in Altaris Ministerio ministrare libere possint, & valeant, ita tamen, ut quotiescumque contingat aliquos ex iisdem Sinenfibus, & Indis ad Ordines promoveri debere, antequam & Collegio dimittantur, dictus Matthæus modernus, & pro tempore existens Superior, si Sedes Archiepiscopalis Neapolitana sit plena teneatur eos dirigere cum attestacionibus de illorum Baptismo, vita, moribus, & in scientiis profectu ad dilectum filium nostrum Josephum S. R. E. Cardinalem Spinelli

Hæc novo
Collegio extra Neapo-
lim fundato
concedi Pa-
pæ supplica-
tum.

Concedit
Clemens.

nuncu-